

# К е з ä д ч и г н о л н ä м т н л ä

ПРИЮТН. Сунъгъврн 16-ч номертә Приютненск округас темдгдгддж заагдсн Хальмг АССР-н Деед Советин депутатрин кандидат Виктор Иванович Постников одахн эврәннь сунъгъачнрларн харгъв.

хознице хурцхасн бääнә. Хурдж ирсн улс йир олн. Энүнд районн организацсин болн учрежденьсин кодлächнр, үүлд цеглächнр, Кировин нертә колхозин колхозникүд болн колхознице хурцхасн бääнә. Хурдж ирсн улсин ут тоогъинь дүннәд келхлә, 500 шаху күн бääнә.

Депутатрин кандидат Виктор Иванович Постниковиг района күч-көлсчнр сäänәр медцхәнә. Ур Постников эн районд КПСС-н райкомин негдгч сегләтр болдж кодлджәнә. Ода эн энүнәс онъгдан районд йовулгдджана.

Приютненск района урдк джилмүдт болв чигн, эн джил чигн, районаннь өмн тавгдсн эдл-ахун болн культурн тосхлт делгрүүлгәнә төрмүдиг му бишәр күцәддж чадв. Государствд буудя орулдж өглгәнә зурагъан болзгаснь урд күцәцхәсн райодин негнь болдж, Приютненск район эн кодлмшиг сән чинртәгъяр, ахр болзгт кедж делгрүүлгдв. Эн района совхозмуднь болн колхозмуднь эн джил йир сән, өдән чинртә, гääвгәя гидг цевр, джөблн торгън ноос киргъдж авцхав.

Малдан элвг күрх хот белдлгън эн районд урдк джилмүдәр болхла, кесг холван эләдәр кегдв. Увлзлгънд малан белдлгънд эн районд ода бас му бишәр кегдджәнә. Кировин нертә болн «Дружба» колхозмуд октябрь сарин эклцәс авн малан Хар газр орулад йовулджацхана.

Ахрар келхд, онъгрсн цаги саамд, эн район алык нег хал харн болв чигн өддлдж өссн мел ил.

Эн өслтин тускиг нег үлү лавлдж, темдгддж, кандидатин тускар иткл дааджах күүнә бийнь чигн, хург деер босдж үг келцхәсн колхозникүд чигн, эдн түүг цугъарн заадж келцхäv. Ут-туршдан хург деер 8 күн босдж үг келв.

Сунъгъачнр эврәннь кандидатдан кесг даалгъвр өгцхäv.

Хальмг АССР-н Деед Советд сунъгъвр кегдх өдр — октябрин 19-д, мана олн-әмтнә нертә үрн үр Постниковин төлә цугъарн дуугъан өгцхәй гидж хург цуг сунъгъачнриг дуудв.

Олн сунъгъачнрин даалгъсн даалгъврмудиг күцәхин эркд аргъан, чидлән хармнш угав гидж, хургин сүүләр босдж үр Постников келв.

Д. АЛЫБАЕВ.